

欽定八旗通志卷一百三十三

人物志十三

宗室王公傳十一

原封和碩貝勒阿敏 溫簡固
山貝子固爾瑪渾 鎮國公恭

阿 原封和碩貝勒莽古爾泰 原封多羅貝勒
德格類

原封和碩貝勒阿敏

阿敏追封莊親王舒爾哈齊第二子初授台吉歲

戊申三月

太祖命同長子褚英征烏拉宜罕山城克之斬千人獲甲

三百俘其衆以歸癸丑正月從

上征烏拉布占泰以三萬衆來拒諸將欲戰

上止之阿敏與貝勒代善等議決進

上從之克其城遂滅烏拉丙辰歲

太祖建元天命封和碩以齒序阿敏爲二貝勒四年三月

從

上破明兵于薩爾滸山及尙間崖復奉

命禦明總兵劉綎于棟鄂路代善等繼之陣斬綎阿敏偕

大臣扈爾漢擊敗明遊擊喬一琦兵一琦奔固拉庫崖與朝鮮都元帥姜功烈合營阿敏同諸貝勒攻之功烈降一琦自縊八月從

上征葉赫滅之六年三月從

上取明瀋陽遼陽七月鎮江城申軍陳良策叛投明將毛文龍阿敏遷鎮江沿海居民於內地十一月文龍屯朝鮮阿敏渡嶺江夜入朝鮮境斬其守將及兵千五百文龍僅以身免十一年四月征喀爾喀巴

金史卷一百三十三
林部取所屬屯寨十月征喀爾喀扎噶特部俘其
衆還天聰元年正月

命同貝勒濟爾哈朗阿濟格杜度等征朝鮮瀕行

諭之曰朝鮮屢世獲罪理宜聲討然此行非專伐朝鮮也
明毛文龍近彼海島倚恃披猖納我叛民故整旅徂征
如朝鮮可取則並取之固

親授方畧是月大兵薄義州拔其城分兵擣文龍所居鐵
山文龍遁海島師克宣州連定三城次平壤朝鮮

王李侖遣使請和
阿敏書數其罪七次
黃州侖復請和
阿敏欲進攻諸貝勒
議許盟事詳克勤郡王傳凱還

上郊勞于武靖營

賜御衣一襲五月從

上征明錦州復圍寧遠擊斬千餘人四年正月大兵克永

平灤州遷安三月

命阿敏代貝勒濟爾哈朗等駐守師至合畧迤西路並招

金史卷一百三十三
降榛子鎮四月諭歸降漢文武官曰我國法度從來賄賂不行廉者舉之貪者弗錄况

皇上簡用者俱廉潔忠直之士爾等若有罪雖賂千金無益若無罪卽衆貝勒何懼焉五月明監軍道張春等圍灤州阿敏怯不赴援灤州陷阿敏遠棄永平殺降者夜出冷口歸六月

上御殿諸貝勒大臣議阿敏十六罪

上命岳託宣示于衆諸貝勒大臣合詞請誅阿敏

詔特宥其死削爵幽禁崇德五年十一月卒于幽所爵除

溫簡固山貝子固爾瑪渾

子瓦三 曾孫鄂齊

固爾瑪渾貝勒阿敏第三子崇德三年九月隨睿

親王多爾袞征明由北京至山西復東至濟南克

城四十餘年四月凱旋

賜馳一馬一白金二千是年封輔國公先是內大臣多爾

濟所屬蒙古及漢人盜馬自伊嚕逃

命同鎮國公扎喀納等伺諸藩城間及望見以渫不追而

還八月議削爵

詔子寬免五年六月以父阿敏獲罪坐削爵黜宗室順治
五年四月復入宗室封輔國公六年正月隨鄭親
王濟爾哈朗征湖廣擒何騰蛟于湘潭進師永興
奪門入固爾瑪渾俱在事有功凱旋

賜白金六百十月晉封固山貝子康熙二十年十月卒謚
曰溫簡長子瑪爾圖封鎮國公先卒乃以第四子
瓦三降襲輔國公瓦三初于康熙四年正月封三

等輔國將軍十三年十月隨安親王岳樂征江西
進定湖廣十八年十一月還京二十年十二月降
襲輔國公二十一年八月授宗人府右宗人二十
二年三月議死三前在長沙退縮罪應削爵

諭曰死三才具甚優况其公爵乃伊父貝子固爾瑪渾効
力年久恩賜之爵著革去右宗人從寬留其公爵二十
三年四月任鑲藍旗蒙古都統五月調鑲藍旗滿
洲都統先是俄羅斯竊據雅克薩尼布楚二城

金史卷一百三十三
上命黑龍江將軍薩布素收其田禾以困之薩布素以失
機請罪是年

命瓦三偕侍郎果丕會薩布素議雅克薩應否攻取嗣奏
我兵於來年四月抵雅克薩招撫不就撫則攻其
城萬一難取卽遵前

旨毀田禾以歸

上命都統朋春等會剿十二月議政王大臣奏請黑龍江
將士應遣大臣統轄得

旨軍機關係緊要非熟練戎行者不可公瓦三素諳行師
遣往必能勝任護軍統領佟寶佛可託皆堪効力之人
可令公瓦三統轄之二十四年正月卒諡曰襄敏以瓦
三之次子齊克塔哈襲封輔國公三十二年十二
月任宗人府右宗人三十五年正月從

上征噶爾丹護軍統領鄂克濟哈統領正紅旗營二十九
年四月清永定河

命齊克塔哈分董其事四十年正月任正黃旗蒙古都統

四十六年五月以鎮營削爵以固爾瑪渾之孫鄂
斐襲輔國公鄂斐瑪爾圖第四子初于康熙六年
三月封三等奉國將軍三十三年五月任鑲藍旗
蒙古副都統三十五年正月從

上征噶爾丹同康親王傑書統領鑲藍旗營三十八年調
正紅旗蒙古副都統三十九年調正黃旗滿洲副
都統四十二年擢正黃旗漢軍都統尋調正黃旗
滿洲都統四十一年授領侍衛內大臣四十六年

襲封輔國公四十七年任宗人府左宗人五十二年八月卒至雍正三年以鄂斐第五子鄂齊襲鄂齊初于康熙三十八年封奉恩將軍四十八年緣事削爵尋授散秩大臣雍正三年五月任正黃旗漢軍副都統十一月以陝甘總督岳鍾琪奏請將羅隆宗諸部給達賴喇嘛管理遣大臣往諭

命鄂齊偕學士班第會提督周瑛詳籌妥辦嗣鄂齊奏臣至西藏審視情形首領辦事者互不睦請降

旨諭達賴喇嘛等和衷共事

詔允之十二月

諭曰鄂齊自委任以來竭力行走差往西藏辦事明白著
將伊父鄂斐未襲之輔國公爵給與承襲四年十月擢
鑲黃旗漢軍都統五年七月卒鎮國公十一月調
天津水師營都統六年九月以兵丁滋事削爵授
三等侍衛効力七年二月任正紅旗滿洲副都統
十月奏請八旗訓練必弓箭相稱嫻熟中的爲要

除官射用披子箭外常箭俱用髀頭則指發與梅
針箭同視製披子箭價亦自議從之九年八月署
鑲紅旗蒙古都統十一年正月革任爵除

鎮國公恭阿

恭阿貝勒阿敏第四子阿敏既獲罪恭阿廢爲庶
人後復入宗室順治五年九月隨鄭親王濟爾哈
朗征湖廣六年正月大軍抵長沙擒明桂王朱由
榔之總督何騰蛟等進剿廣西合兵定道州及黎

平府先後克六十餘城恭阿俱在事有功十月封
鎮國公十一月卒于軍八年閏二月以恭阿之長
子法塞降襲輔國公康熙四十九年正月卒十月
以法塞長子原封三等奉國將軍阿裕爾仍降襲
三等奉國將軍五十八年卒十二月以閑散宗室
德色勒之長子蘇赫訥降襲奉恩將軍阿裕爾之
孫也雍正二年七月卒爵除

原封和碩貝勒莽古爾泰

莽古爾泰

太祖高皇帝第五子歲壬子九月從

上征烏拉克城六莽古爾泰等請渡水進擊

上止之曰我且削其外城無僕無以爲主無民無以爲君

遂燬所得六城移駐富勒哈河越日於烏拉河建

木城留兵千守之天命元年授和碩貝勒以齒爲

序莽古爾泰爲三貝勒四年三月明總兵杜松等

率師六萬出撫順關